

## 表达爱意的古风情诗

1.  
一生一代一双人，争教两处销魂。相思相望不相亲，天为谁春？浆向蓝桥易乞，药成碧海难奔。若容相访饮牛津，相对忘贫。——《画堂春》
2.  
有一美人兮，见之不忘。一日不见兮，思之如狂。凤飞翱翔兮，四海求凰。无奈佳人兮，不在东墙。将琴代语兮，聊写衷肠。何时见许兮，慰我彷徨。愿言配德兮，携手相将。不得於飞兮，使我沦亡。——《凤求凰·其一》
3.  
前尘往事断肠诗，侬为君痴君不知。莫道世界真意少，自古人间多情痴。——《无题诗》
4.  
关关雎鸠，在河之洲。窈窕淑女，君子好逑。参差荇菜，左右流之。窈窕淑女，寤寐求之。求之不得，寤寐思服。悠哉悠哉，辗转反侧。参差荇菜，左右采之。窈窕淑女，琴瑟友之。参差荇菜，左右芼之。窈窕淑女，钟鼓乐之。——《关雎》
5.  
皑如山上雪，皎若云间月。闻君有两意，故来相决绝。今日斗酒会，明旦沟水头。躑躅御沟上，沟水东西流。凄凄复凄凄，嫁娶不须啼。愿得一心人，白头不相离。竹竿何袅袅，鱼尾何簌簌！男儿重意气，何用钱刀为！——《白头吟》
6.  
我住长江头，君住长江尾；日日思君不见君，共饮长江水。此水几时休

？此恨何时已？只愿君心似我心，定不负相思意！——《卜算子》

7.  
野有蔓草，零露漙兮。有美一人，清扬婉兮。邂逅相遇，适我愿兮。野有蔓草，零露瀼瀼。有美一人，婉如清扬。邂逅相遇，与子偕臧。——《野有蔓草·诗经》

8.  
秋风清，秋月明，落叶聚还散，寒鸦栖复惊，相思相见知何日，此时此夜难为情。——《三五七言》

9.  
投我以木瓜，报之以琼琚。匪报也，永以为好也！投我以木桃，报之以琼瑶。匪报也，永以为好也！投我以木李，报之以琼玖。匪报也，永以为好也！——《木瓜·诗经》

10.  
日昃鸣珂动，花连绣户春。盘龙玉台镜，唯待画眉人。——《朝来曲》

11.  
君生我未生，我生君已老。君恨我生迟，我恨君生早。君生我未生，我生君已老。恨不生同时，日日与君好。——《君生我未生》

12.  
锦瑟无端五十弦，一弦一柱思华年。庄生晓梦迷蝴蝶，望帝春心托杜鹃。沧海月明珠有泪，蓝田日暖玉生烟。此情可待成追忆？只是当时已惘然。——《锦瑟》

13.  
醉拍春衫惜旧香。天将离恨恼疏狂。年年陌上生秋草，日日楼中到夕阳。云渺渺，水茫茫。征人归路许多长。相思本是无凭语，莫向花笺费泪行。——《鹧鸪天·醉拍春衫惜旧香》

14.

上邪！我欲与君相知，长命无绝衰！山无陵，江水为竭，冬雷震震，夏雨雪，天地合，乃敢与君绝！——《上邪》

15.

今夕何夕兮，搴舟中流。今日何日兮，得与王子同舟。山有木兮木有枝，心悦君兮君不知。——《越人歌》

16.

平生不会相思，才会相思，便害相思。身似浮云，心如飞絮，气若游丝。空一缕馀香在此，盼千金游子何之。证候来时，正是何时？灯半昏时，月半明时。——《折桂令》

17.

莫把么弦拨。怨极弦能说。天不老，情难绝。心似双丝网，中有千千结。夜过也，东窗未白凝残月。——《千秋岁》

18.

新妆竟与画图争，知是昭阳第几名？瘦影自临春水照，卿须怜我我怜卿。——《怨》

19.

迢迢牵牛星，皎皎河汉女。河汉清且浅，相去复几许。盈盈一水间，脉脉不得语。——《迢迢牵牛星》

20.

油壁香车不再逢，峡云无迹任西东。梨花院落溶溶月，柳絮池塘淡淡风。几日寂寥伤酒后，一番萧瑟禁烟中。鱼书欲寄何由达，水远山长处处同。——《无题·油壁香车不再逢》

21.

今夕何夕兮，搴舟中流。今日何日兮，得与王子同舟。蒙羞被好兮，不訾诟耻。心几烦而不绝兮，得知王子。山有木兮木有枝，心悦君兮君不知。——《越人歌》

22.

劝君莫惜金缕衣，劝君惜取少年时。花开堪折直须折，莫待无花空折枝。  
。——《金缕衣》

23.

玉溱花争发，金塘水乱流。相逢畏相失，并著木兰舟。——《采莲曲》

24.

车遥遥兮马洋洋，追思君兮不可忘。君安游兮西入秦，愿为影兮随君身。  
。君在阴兮影不见，君依光兮妾所愿。——《车遥遥篇》

25.

碧云天，黄叶地。秋色连波，波上寒烟翠。山映斜阳天接水。芳草无情，  
更在斜阳外。黯乡魂，追旅思。夜夜除非，好梦留人睡。明月楼高休  
独倚。酒入愁肠，化作相思泪。——《苏幕遮》

26.

春来秋去。往事知何处？燕子归飞兰泣露。光景千留不住。酒阑人散忡  
忡。闲阶独倚梧桐。记得去年今日，依前黄叶西风。——《清平乐》

27.

连理枝头花正开，妒花风雨便相催。愿教青帝常为主，莫遣纷纷点翠苔。  
。——《落花》

28.

红酥手，黄滕酒，满城春色宫墙柳。东风恶，欢情薄。一怀愁绪，几年  
离索。错、错、错。春如旧，人空瘦，泪痕红浥鲛绡透。桃花落，闲池  
阁。山盟虽在，锦书难托。莫、莫、莫！——《钗头凤》

29.

疏星淡月秋千院，愁云恨雨芙蓉面。伤情燕足留红线，恼人鸾影闲团扇。  
。兽炉沉水烟，翠沼残花片。一行写入相思传。——《塞鸿秋》

30.

君知妾有夫，赠妾双明珠。感君缠绵意，系在红罗襦。妾家高楼连苑起，良人执戟明光里。知君用心如日月，事夫誓拟同生死。还君明珠双泪垂，恨不相逢未嫁时。——《节妇吟》

31.

遥夜亭皋闲信步。才过清明，渐觉伤春暮。数点雨声风约住。朦胧淡月云来去。桃杏依稀香暗度。谁在秋千，笑里轻轻语。一寸相思千万绪。人间没个安排处。——《蝶恋花》

32.

不得哭，潜别离。不得语，暗相思。两心之外无人知。深笼夜锁独栖鸟，利剑春断连理枝。河水虽浊有清日，乌头虽黑有白时。唯有潜离与暗别，彼此甘心无后期。——《潜别离》

33.

永夜抛人何处去？绝来音。香阁掩，眉敛，月将沉。争忍不相寻？怨孤衾。换我心，为你心，始知相忆深。——《诉衷情·永夜抛人何处去》

34.

玉楼缥缈孤烟际。徒倚愁如醉。雁来人远暗消魂。帘卷一钩新月、怯黄昏。那人音信全无个。幽恨谁凭破。扑花蝴蝶若知人。为我一场清梦、去相亲。——《虞美人·玉楼缥缈孤烟际》

35.

君问归期未有期，巴山夜雨涨秋池。何当共剪西窗烛，却话巴山夜雨时。——《夜雨寄北》

本文链接：<https://duanjuziku.com/duanjuzi/k100woft7v.html>